

تورکیا

بویوک ملت مجلسی

ضبط جریده سی

یتیم او چنجی اجتماع

۱۳ تموز ۳۳۸ نجشنبه

مذراعات

- ضبط سابق خلاصه سنک قرائتی
- دیوان ریاست قرارلی
- نواحی قانونک مذاکره سی
- رئیس ثانی انتخابی

برنجی جلسہ

بدا مذاکرات

دقیقہ ۱۵
ساعت ۲

[رئیس - ایکنجی رئیس وکیلی موسی کاظم افندی حضرتلری]

کاتب : حق بک (وان)

ضبط سابق منور سنک قرائتی :

رئیس - افندم! اکثریت وارددر . جلسہ سی کشاد
ایدیورم . ضبط سابق خلاصہ سی او قونہ حق .
(ضبط سابق خلاصہ سی کاتب حق بک طرفندن او قوندی)
افندم ! ضبط سابق حقندہ مطالعہ وارمی ؟
طوراق بک (ارضروم) - افندیلر ! دونکی انتخابات
حقندہ بر ایکی سوز سویله مکلمہ مساعده بویوریکیز .
برمدتدنبیری غزته لردہ ، بالخاصہ دشمنلر منظر فندن یازیلن
غزته لردہ کوریوروزک بویوک ملت مجلسنی تشکیل ایدن
اعضای محترمہ آرسندہ بر طاقم اختلافات وارددر دینیور .
(یوق صدالری) مساعده بویوریکیز ! حالبوکه دونکی
انتخابات بونک نہدرجه یہ قدر یا ککش ، نہدرجه یہ قدر
یالان اولدیغنی بک قوتلی بر صورتہ بزہ کوستردی .
مجلسمزک ایلك تشکلندن بوکونہ قدر دونکی کبی قوتلی

رهیئت وکیلہ تشکیلنه موفق اوله ماه شفق . دشمنلر من
او قدر قوتلی پروپاغاندالر یاپیورلردی که - یعنی شونی
آکلامق ایستیورم که بنده کنزیش ، آانی آیدنبیری ایچکزده
بولنمایوردم . بعضاً قولاقلمزده صدالر عکس ایدیورودی .
بویوک ملت مجلسندہ اختلاف وار . حالبوکه بنده کنز
بویوک ملت مجلسندہ اختلاف اولمادیغنه قائم . چونکه :
بویوک ملت مجلسنی بیلیوردم . فقط دشمنلر من او قدر
قوتلی پروپاغاندالر یاپیورلردی که آز قالدی ، بزیدہ
قاندیریورلردی . فقط له الحمد بو یالان دونکی کون
بوتون عمر یا نلیغیہ تظاهر ایتمشدر که بویوک ملت مجلسندہ
قطعاً اختلاف یوقدر . بویوک ملت مجلسنی آمال مایه مزک
تیجہ سنہ قدر بویله متحد قاله حق و آمال مایه سنی قورتارنجہ یہ
قدر هیچ برشیدہ اختلاف ایتمه جکدر . بونی بوتون دنیا
ایشیتسون . بناءً علیہ افندیلر دوز ایلاک انتخابکزده محترم

رؤف بك افندی حضر تلونيك بوكرسى معلادن سويلديكى
 سوزلرى بوتون صميميته آقيشلايورم . وبونى فال خير
 عدايديورم . اوت بوكرسيده بوورديلر كه : « سز بو
 وظيفه يى بكا توديع ايتديكز . بن اللهم قسم ايدرك بو
 ايشى حسن نتيجه يه ايصال ايتمكه چاليشه جفم » مر حاله
 بويه صميميته ، بويه برفكرله بوايشه صاريوب كيرمك
 ايستين انسانلرك موفق اوله جقلر نده قطعياً شك وشبهه
 يوقدر . جناب حق موفقيت احسان بويورسون . (امين
 سسلرى) يالكز هيئت وكيه يه كيرن آرقداش لر مدن بر
 شى رجا ايدم جكم . بونى ده اونون ماسونلر . موفقيتلر يى
 تمى ايتمكه برابر مملكتهك احوال روحه سنى اينى دوشونسونلر .
 كوزلر يى يالكز آقره نك سماسنه ديكمه سونلر . قولا قلر يى
 يالكز آقره نك محيطنه قابار تماسونلر . بوتون مملكته
 كورسونلر ، و بوتون مملكتهك روحنه واقف اوله رق
 خلقى اينى طائيسونلر . و مملكتهك احوال روحه سسنه
 كوره ايفاي وظيفه ايتسونلر . كنديلر ندن بونى رجا ايديورم .
 رئيس — افندم ! ضبط سابق خلاصه سى حفته ده
 بشقه مطالعه وارمى ؟ (خاير صدالرى) ضبط سابق خلاصه سى
 عيناً قبول ايدلمشدر افندم .

ديوانه رياست قرارلى :

رئيس — افندم ! نواحى قانونيك معدل بر ماده سى واردر .
 اللى اوچنجى ماده در . مناسب كورور سه كز بونك مذاكره سسه
 باشلاماز دن اول ديوان قرارلى وار . اونى او قويه لم . بعده نواحى
 قانونيك ماده معدله سند مذاكره سسه كچم لم .

هيئت عموميه يه

آتيده اسملرى محرر ذواتك اسباب صحيه و معذرتلر يسه
 مبنى حذر نده كوستريلان مدت لر له ماذون عددى ديوان
 رياستك ۱۲ - ۷ - ۳۸ تاريخى اون طقوزنجى اجتماعنده
 تسبب ايدلمش اولمقله هيئت عموميه نك نظر تصويبنه عرض
 اونور افندم .

۳۸ - ۷ - ۱۲

بويوك ملت مجلسى رئيس وكيلى

موسى كاظم

راسم بك (سيواس) اوچ آى
 هاشم بك (چوروم) اوچ آى
 خليل بك (ارطغرل) ايكي آى

شيخ فكرى بك (كنج) اوچ آى
 « (ارغنى) »
 محمود « (ارغنى) »
 رضا « (يوزغاد) »
 عاصم « (آماسيه) »
 رئيس — راسم بك (سيواس) ك اوچ آى ماذونيتنى
 قبول ايدنلر لطفأ ال قالديرسون ! قبول ايدلمشدر .
 هاشم بك (چوروم) ك اوچ آى ماذونيتنى قبول
 ايدنلر لطفأ ال قالديرسون ! قبول ايدلمشدر .
 خليل بك (ارطغرل) ك ايكي آى ماذونيتنى قبول
 ايدنلر لطفأ ال قالديرسون ! قبول ايدلمشدر .
 شيخ فكرى افندى (كنج) ك اوچ آى ماذونيتنى
 قبول ايدنلر لطفأ ال قالديرسون ! قبول ايدلمشدر .
 حقى بك (ارغنى) نك اوچ آى ماذونيتنى قبول
 ايدنلر لطفأ ال قالديرسون ! قبول ايدلمشدر .
 محمود بك (ارغنى) نك اوچ آى ماذونيتنى قبول
 ايدنلر لطفأ ال قالديرسون ! قبول ايدلمشدر .
 رضا بك (يوزغاد) ك اوچ آى ماذونيتنى قبول
 ايدنلر لطفأ ال قالديرسون ! قبول ايدلمشدر .
 عاصم بك (آماسيه) نك اوچ آى ماذونيتنى قبول
 ايدنلر لطفأ ال قالديرسون ! قبول ايدلمشدر .
 درسم مبعوثى حسن خيبرى بك حفته ديوان رياست
 قرارى وار . او قونه جق :

هيئت عموميه يه

استحصال ايتديكى اوچ آى ماذونيتله ۱۰ نيسان
 ۱۳۳۸ تاريخنده دائره انتخابيه سسنه عزيمت ايتمش
 اولان درسم مبعوثى حسن خيبرى بكك درسمده وظائف
 حكومته معاونت ايتمك اوزره ماذونيتك اوچ آى دها
 تمديدى داخله وكالت جليله سنك ۱۹ حزينان ۳۳۸ تاريخ
 و $\frac{۱۱۰۲}{۱۳۰۸۱}$ نومرولو تذكره سيله اشعار قيلنمش و شمده يه
 قدركى مدتتى خدمته حصر ايلمش اولديغندن خصوصات
 ذاتيه سى ايچون زمان قالماديغنى موسى اليهك اصلى مربوط
 تلغرافنده نيديرلمش اولديغندن فضله مخصصات المامق
 شرطيله طلبى وجهه ماذونيتك اوچ آى دها تمديدى ديوان

ریاستجه تنسیب ایدلمشدر . هیئت عمومی نك نظر تصویبیه
عرض اولنور . ۱-۷-۳۸

بو یوک ملت مجلسی رئیس و کیلی

موسی کاظم

رئیس -- اقدم! ایکی دفعه معذرتنامه کوندرمشدر .
دیوانده صوک معذرتی قبول ایتمشدر . حسن خیری بکک
بلا تخصیصات اوچ آی مأذونیتی قبول ایدنر لطفاً ال
قالدیرسون! قبول ایدلمشدر .

اقدم! بتلیس مبعوثی وهی بککده برتقریری وار .
اوقونه جق .

ریاست جلیله

معذرت مشروعه مه بناءً مارت ظرفنده اوچ ماه
مأذونیتمه مساعده بیورلمش ایسهده خسته می تداوی
استدیر مکده اولدیغمدن ناشی استعمال ایدمدیکمدن
مأذونیتتمک تمیدی نی استرحام ایلم اولبابده .

۹ توموز سنه ۳۳۸ بتلیس مبعوثی

وهی

(موافق سسلری)

رئیس -- اقدم! وهی بکک اسکی مأذونیتی ابطال
اولندیغمدن علی الاصول بو تقریرکینه دیواندن کچمسی
لازمدر . (کیمدر صداری) بتلیس مبعوثی وهی بکک،
مأذونیت آلمش، مأذونیتک مدتی کچمش، تمیدی نی طلب
ایدیور . فقط دیوانه کیتیمی ایجاب ایدر .

بصری بک (قره سی) -- اقدم! دیوانه کیتیمسنه
احتیاج یوقدر . مادام که بوراده اوقونمشدر . رأیه قومیق
لازمدر . اصل اولان هیئت عمومی در . دیوان فرعدر .
بوراده اوقوندقدنصکره بوراسی قرار وریه بیلیر .

رئیس -- اصل ، فرع مسئله سی یوقدر . انتظام
مسئله سی واردر . بوراده بر مبعوثک تقریری اوقومازسه م
اوقوتماقله اتهام ایدیورم . بناءً علیه هر تقریر بورایه
کله بیلیر . فقط فرع ، اصل هپسی نصابه متعلقدر .
دیوانه کیتیمی لازمدر .

نواحی قانوننک مذاکره سی :

اقدم! اوراق وارده من یوقدر . نواحی قانوننک معدل

اللی اوچخی ماده سنه علاوه ایدیله جک فقرات واردر .
اونی اوقویه جغز .

ریاست جلیله

۵۲نجی ماده نك اون سکرتنجی فقره سندن صکره
بعض فقراتک علاوه سی حقنده بولی مبعوثی شکری بک
طرفندن معطی و هیئت عمومی جه نظر اعتباره آنان
تقریر اوزرینه داخلیه انجمننجه مذاکرات جریان ایدرک
بروجه آتی ماده و فقره لرك علاوه سی تنسیب ایدلمشدر .

۸ توموز ۳۳۸

کاتب مضبطه محرری داخلیه انجمنی رئیس

قیصری قیصری لازستان

عاطف احمد حامی اسعه

اعضا اعضا اعضا

مدحت تحسین قره حصار شرقی

مصطفی

ماده: ۵۳ -- طاپو، ویرکو، نفوس، قیود و معاملات
اساسیه و اخذ عسکر معاینه ابتداییه سی ناحیه دن باشلار .

۱ -- طاپو، ویرکو و نفوس معاملاتکی کثیر اولان
نواحیده هر اوچ معاملاتی تعقیب و رؤیت ایتک اوزره
آری ، آری طاپو ویرکو و نفوس مأمورلری تعیین
اولنور . معاملاتکی آزا اولان یرلرده مناسبت موقعیه
کوزه دیلرک ایچی و دها زیاده نواحیه سیار مأمورلر تعیین
اولنور .

۲ -- ناحیه حدودی داخلنده کی املاک و اراضیتک
بیع و شرا ، فراغ و انتقال تقسیم و افرازیته عائد
تقریرلر ناحیه هیئت اداره سنجه استماع اولندقدن صکره
سندات رسمیه سی طاپو مأمورلری طرفندن اعطا قیلنور .
۳ -- تولدات، وفیات، مناسکات، طلاق و نقل مکان
و نفوسه عائد معاملات ناحیه نفوس مأموری طرفندن
اجرا اولنور .

۴ -- اخذ عسکره عائد معاینه ابتداییه عسکری
و نفوس مأمورلری حضوریه ناحیه هیئت اداره سننده
جریان ایدر .

۵ -- جنحه موادینه دائر بدایت محکمه و مستنطقلری

طرفندن، لزوم کوستریله جک استنباه لر نواحی هیئت اداره لر نجه استماع اولنور .

۶ — تشکیلاتی اکل اولنان نواحییه عائد طاپو ، نفوس و ویرکو قیودی دوائر عائده سی طرفندن نواحی مأمورین متعلقه سنه دور و تسلیم اولنور .

۷ — یوقاریده کی فقره لرده تعیین و تثبیت و نواحییه تودیع اولنان باجمله معاملات قوانین و نظامات مرعیه دائره سنده رؤیت اولنور .

رئیس — افندم؛ ماده نك بر جوق فقره لر ی واردر . تنسیب ایدر سه کز فقره ، فقره مذاکره ایدلم .

احمد حلمی بك، قیصری (مضبطه محرری) — معدل ماده یه علاوه ایدیلن فقره لر اولجه موجود اولمادیغندن تنسیب بویورور سه کز یازلسون . اوندن صکره بونلرک اوزرینه اعمال فکر ایدلسون . معلوم عالیکز بولی مبعوثی شگری بك آرقداشمز ۵۳ نجی ماده مذاکره اولنور کن طاپو ، نفوس و سائر یه عائد بعض فقراتک علاوه سی تکلیف ایتشلردی . انجمن بو بایده اوزون اوزادییه مذاکره ایتدی . بعض شموللی فقره لر علاوه ایدرک ماده یی تثبیت ایتدی و بورایه کونرددی . شمدی عرض ایده جکم ؛ لطفاً یازار سکز ، بونک اوزرنده اعمال فکر ایدر سکز ، فقره لر ی ایجاب ایتدیکجه تعدیل ایدرز . انجمنک تثبیت ایتدیکی فقرات بونلردر .

(انجمنک تثبیت ایتدیکی فقرات تکرار اوقوندی)

نبیل افندی (قره حصار صاحب) — افندم؛ ۵۳ نجی ماده نك شکل معدلی انجمندن کلیور . بوماده موجبنجه مضبغه محرری بك افندینک ایضاح بویوردقلری طاپو ، ویرکو ، نفوس معاملات ی ناحیه کنندیسی یاپه جقدر . بونک ایچونده برنجی فقره ده کوسترلیکی اوزره یعنی معاملات ی چوق اولان یرلرده اوچ وظیفه یی کورمک اوزره آری آری یعنی بر دوزینه کاتب تعیین ایده جکز . معاملات ی آز ایسه ایکی ناحیه یی برلشدره رک ویا اوچ ناحیه یی برلشدره رک سیار کاتب لر کوندره جکز . ظن ایدر سه م ، بو قانونی یایمقدن مقصد اساسی اهلوییه تسهیلات ارانه ایتمک وای ایش کورمک ایچوندر . بو کاتب لر تعیین ایدلسین ،

دوغریدر ، ایدر . فقط مصارفی نرهدن اوله جق؛ کرچه مصارف بجنه کلنمه مشدر . بو کاتب لرک مصارفی موازنه عمومیه دنمی؟ یوقسه موازنه خصوصییه دنمی ویره جکز؟ بوراسی تصریح اولتمق لازمدر . شمیدین بوماده یی قبول ایدر سه ک بر امر واقع اولور . بالآخره محلی اداره سی بو کاتب لرک معاشی ویرسون دیر سه ک ملت نامنه اداره کلام ایدن بز لر ، بویله بر قانونی نه ایستیورز دیمکدر ، نده بو قازنک جهت تطبیقیه سی واردر . ملت ویرمز ، ویره مز . زیرا قوه تحمیلیه سی یوقدر . بن کندی حسابمه رد ایدیورم . بوک ملت متحمل دکندر . بو بر کره تثبیت اولتمق لازمدر .

عبدالقادیر کالی بك (قسطنیونی) — بو قانون ، آرقداش لر! ایلك تكلیف ایدلدیکی زمان آناطولیده ایکی قسم خلقی کوزمک اوکنه کتیرمش و بونلرک بر قسمنک تورک ، بر قسمنک ده کرد اولدیغنی دوشونه رک قابلیت تطبیقیه سی اولمادیغنی عرض ایتمک مقصدیله بو قانون چینجه یازلمش آناطولیده قابلیت تطبیقیه سی یوقدر . دیمشدم . آرقداش لر دن بریسی ده سوزیمی سوء تفسیر ایتشدی . مع الاسف دیگر ماده لرک مذاکره سی اثناسنده اسارت آلتندن یکی قورتیلان و مملکت بولنان آطنده بولندیغمن شمدی یه قدر کچن ماده لر حقنده جریان ایدن مذاکره ده بولنه مدم . شمدی ۵۳ نجی ماده اوله رق اورتیه آتیلان ماده یه بکا اسکی دوشونجه لر ی خاطر لاتدی . ابتدا هیئت عمومیه سی حقنده سوز سولیکه لزوم یوق ، وقتیله سولیدک ، بالکز شمدی بوماده نك ایکی فقره سنه نظر دقتکزی اهمیتله جلب ایده جکم . بو فقره لر دن بریسی — دردینجی فقره که اخذ عسکر معاملاتنک ، معاینه ابتدایه سنک عسکری و نفوس مأمور لر ی حضور یله ناحیه هیئت اداره سنده جریان ایده جکنندن بحث ایدیور . آرقداش لر! بر مملکتک حضور و سکون ایچنده دوامی تأمین ایده جک یکانه شی بر حکومتک ، دها دوغریسی بر نفوذ معنوی حکومتک موجودیتنی تأمین ایتمکدر . بو تأمین ایدلمه ین مملکتلرده هیچ برایش یاپمه نك امکانی اولماز . بو قوتلی نفوذ حکومته مانع اولان یرلرده ایکی نوع تشکیلاتک وایکی نوع قوتک

موجود بولمسی و بو موجودیتك ادامہ سندن اصرار اولمسیدر.

راغب بك (کوتاہیہ) — هر حالده طفیلی انسانلر یاشاملی .

عبدالقادر کالی بك (دواملہ) — آرقداشماک سویلیدیکی سوزك مناسبی آکلایه بیلسه یدم جواب ویرر ایدم . فقط ؛ آکلایه مادام . اخذ عسکر معاملاتی ، دها آچیق برافاده ایله سویله مک لازم کلیرسه ، مملکتہ ایکی حکومتك موجودیتنه سببیت ویرن بر معاملہ در . حال حاضر اخذ عسکر تشکیلاتی ، مملکتده ایکی نوع موجودیتی کوستریور . بزحال حاضر اخذ عسکر تشکیلاتندن مشتکی ایکن واستقباله فائد بر قانون یاپار کنینه اونی ، او قانونك ایچریسنه صوقق ، مملکتده ایکی شکل حکومتك دوامنه سببیت ویرمک دیمکدر . مملکتده بر حکومت اولمیدر . دیکر لر ی تقرعات اولمیدر . ناحیه ده ، اخذ عسکر معاملاتیلہ اشتغال ایده جک عسکری بر مأمور بولندیره جق ایسه کز ، ناحیه لر شمدی یه قدر ایکی شکل حکومتدن مصون ایدیلمر . بوندن صکره اونلره بر عسکری حکومت ، برده مملکی حکومت نامی آلتنده ایکی حکومت کوندرمش اوله جقسکز که بو خصوصده قضالرك ، لوارك ، ولایتلرك فریادی کافیدر . اقدیلر ! بوقطه حقنده فضلہ سوز سویلکه زمان مساعد دکلدر . اونک ایچون سوزی اوزاتمقدن واز کچوروم . یعنی عسکری مأمورینك بوققره دن صورت قطعیده طیبی و مملکت افرادندن مرکب اوله جق هیئتلر واسطه سیله معاینه ابتداییه اجرا ایدیله رك بر آزده ملتہ اینانلمسی رجا ایدیوروم .

بشنجی فقره « جنحه موادینه دائر و بدایت محکمه مستتقلری طرفندن لزوم کوستریله جک استنباه لر نواحی هیئت اداره لر نجه استماع اولنور » دیور .

طونہ لی حلمی بك (بولی) — رئیس بك ! فقره ، فقره مذاکره ایدیله جک دکلی ؟

عبدالقادر بك (دواملہ) — فقره ، فقره می

رئیس بك ؟

رئیس — اوت ...

عبدالقادر کالی بك (دواملہ) — او حالده عفو ایدیکز . بو باده کی سوزمی صرہ سی کلدیکی زمان سویلرم ...

محمد وهبی افندی (قونیہ) — بر تقریر ویریکز . عبدالقادر کالی بك — نیه دائر ؟ .

محمد وهبی افندی — عسکری مأمورینك فقره دن طینه دائر ...

عبدالقادر کالی بك — پکی اقدام ! بشنجی فقره حقنده کی حق کلامی ده محافظه ایدیوروم .

طونہ لی حلمی بك (بولی) — عاقبت جناب حقہ بیک حمدوننا که نیل افندی خواجه مزك اغزندن اولسون بو قانونك علیهنده بر سوز چیقمشدر .

بصری بك (قره سی) — قانونك علیهنده دکلدر . (ماده نك علیهنده در سسلری)

طونہ لی حلمی بك (دواملہ) — قانونك روحناک علیهنده در . زیرا بو قانون افندیلر ! بومملکتك آکلا . یه مایه جفی بر شکلده یازلمشدر . اللهم حمد ایدرم که ، اعتراض قوسی آچیلمشدر و انشالله قانون بیسیط بر حاله کتیریله جکدر . (انشالله سسلری)

عبدالقادر کالی بك (قسطنونی) — انشالله ، انشالله ، اشتراک ایدرز .

رئیس — راغب بك ! ..

راغب بك (کوتاہیہ) — واز کچوروم .

رئیس — اقدام ! برنجی فقره حقنده سوز آلان آرقداشلر مز سوزلرندن واز کچورلر .

حسین عونى بك (ارضروم) — انجمنك ایضاح ایتسی لازمکلن بر نقطه وار . طاپو ، ویرک وواخذ عسکر معاملاتی دیندیکی زمان ، نیل افندیك بویوردقلری کبی بو مأموریتلر ناصل تشکیل ایده جکدر ؟ و بونلر ناحیه اداره سنه می کیره جکدر ؟ ایضاحات ویرسونلر !

تحسین بك (از میر) — اقدام ! بو مأمورلر مسئله سی انجمنده بزاوزون اوزادی یه مذاکره ایتدک . بولی مبعوثی شکرکی بکک بو ماده حقنده ویردیکی تقریرده یالکوز فراغ وانتقال ، تقسیم و افراز مسائلی ؛ نواحی هیئت

بناء عليه؛ بز خلقه قارشی بوجھي تنظيم ايد. کن خلقک حضورنی وتسهيلاقی دوشوندک. صکره نفوس مأموری و نفوس معاملاتنی ... بر آدمک بر چو جنی دنيايه کلیور . و یا خود آریلق، غیر یلق اولیور . بونک ایچون کویلی مختاره کیدیور؛ بر چوق مصر فلر یا پیور، آیلرجه کونلرجه معامله پیشنده دولاشیور . نهایت آله جنی بر نفوس تذکره سیدر . بر آدمک چو جنی دنيايه کلیر سه اونک تذکره سنی ویرمه که حکومت و دولت مجبوردر . بر آدمک؛ چو جنی دنيايه کلدی دییه کونلرجه معامله آرقه سنده دولاشمغه مجبورتی یوقدر . بناء عليه؛ بز بونقظه نظر دن خلقه بک زیاده قولایلق اولدیغنی ایچون بو طاپو و نفوس مأمورلرینی ماده یه قویدق . صکره عبدالقادر کالی بکک بویوردیغنی مسئله یه کلنجه : اخذ عسکر ، اخذ عسکر دییه معامله یی بویوتیم . معلوم عالیکز اخذ عسکر مجلسلری ، قومیسونلری ناصل اولیور ؟ بیامورسکز : قضاده بر هیئت طولانیور ، اخذ عسکر مأموری ده اوراده بولنیور . مثلاً : فلانجه کویک هیئت اختیار یه سی ده اورایه کلیور ؛ او کویک اخذ عسکر معامله سی باشلانمق دینیور ، کویک مختاری ، امامی ایچری یه کیردیمی ؛ کویکزدن علی ، ولی صاعمی دکلی ؛ دییه صوریلنیور ؛ بو صورتله حضوراً و غیاباً معامله یایینیور . بونی عبدالقادر کالی بک یا کلش آکلادی : حکومت ایکی یه آریله جق وهر ناحیه نک باشنده بر اخذ عسکر مأموری بولنه جق دکل که ... بو ، یا کلش آکلشلمش .. عبدالقادر کالی بک (قسطنونی) — بنم سویلدیکم یا کلش آکلشلمش بکم ..

تخصیص بک (دوامله) — بو عسکری مأموردن مقصد ، عسکری معاملاتنه باقوجق بر مأموردر . بو ، سویولده اولور ، عسکرده اوور . بر اخذ عسکر مأموری ۳۰ ناحیه یی ، یکرمی ناحیه یی واون بش ناحیه یی بک اعلا دولاشه بیلیر . نته کیم ۳ — ۴ قضانک بر اخذ عسکره مربوط اولدیغنی ده هپز بیلیورز . بناء عليه متعدد ناحیه لری بر اخذ عسکر مأموری دولاشه جق . هیئت اختیار یه ده حاضر اولدیغنی حالده ، نفوس مأموری

اداره سنده استماع ایدلسین دیمش . بو مسئله یی بز، طاپو مدیری ده حاضر اولدیغنی حالده مذاکره ایتدک . طاپو مدیری محق بر اعتراضده بولندی ، دیدی که : ناحیه جه تقریر استماع ایدلدکن صکره معامله بیتشدر ؛ طاپو مأموری ، تدقیقات قیودییه مطابق کلسون ، کلسون طاپو سندی ویرمه که مجبوردر . بناء عليه ؛ ناحیه لرده طاپو مأموری و طاپو قیوداتی اولمی ، اول امرده تدقیقات قیودییه اجرا ایدلمی وبعده تقریر استماع ایدیلرک معامله محلنده بیتملیدر . صکره بوجھ یی انجمنده تدقیق ایدر و دوشونورکن ، خلقک حضور و تسهیل مراجعتنی اک زیاده هدف اتخاذا ایتمشزدر . معلوم عالیکزدر که افندیلر! کویلرک نه کبی ایشلری واردر ؟ کویلونک طاپو ایشلری واردر . مثلاً ایکی قرداش آره سنده بر تارلانی تقسیم ایده جکلر ؛ ایکی دونم تارلاوار ؛ بر دونمی برینک ، بر دونمی دیگرینک .. بو بایده شمدی یه قدر اجرا ایدیلن معامله هپکزک معلوم عالیزیدر که مطبوع بر شهادتنامه واردر . اونی طاپو اداره سی و طاپو مأمورلری ویرر ، هیئت اختیاریه مهرلر ؛ قضایه کیدر ، قضاده قیودتدقیق ایدیلیر و طاپوسی ویریلیدی ، صکره قائممقاملرک ریاستی آلتنده بر تقریر قومیسوننی فلان شکل ایتدی ، اما بونلر بر شکلدن عبارتدی . بو معامله آیلرجه ، کونلرجه قضاده دوام ایدرو اکثریاطرفین واز کچه رک کیری یه کلیرلیدی . اونک ایچون قریه زده آلم صایم و بالخاصه اراضی آلم ، و صایمی سند عادی ایله جریان ایدیور . مثلاً بر تارلا آلم صایمی شوبله اولیور ؛ اوچ بیک غروش و یا بش بیک غروش ؛ بن ویردم ، بنده آلم .. بو معامله پولسز بر سند ایله بویله جه اجرا ایدیور . فقط ؛ بر آز صکره آره یره اختلاف کیردیمی ؛ محکمه یه کیدیورلر . پول جزای تقدیمی ده نظر دفته آله رق او سند چیقاریلنیور و فقط ؛ تقریری ، مأمور عاندی حضورنده اولمادیغندن محکمه جه سند قبول ایدیور . و بویوزدن بر چوق اشخاص متضرر اولیور . ایشته بوکون کویلرده جریان ایدن بو معامله نک اساسی ؛ سند عادی ایلدر . و کویلرک طاپو قیدی بوقدر .

کثیر اولان برلده ، قضالده ناحیه اعتبار ایدیله جک .
 اوراده بر نفوس مأموری ، بر طاپو مأموری ، بر ویر کو
 مأموری ندر اقدم ؟ بونلر توأمدر . بونلری یالکنز
 بر مال مأمورینه ؛ مثلاً ویر کو مأموری ، طاپو مأموری
 صفتیه او وظیفه یی تودیع ایدرز . یعنی بنده کز بونده
 بر فوق العاده لک کورمه یورم .

نصرت افندی (ارضروم) — خاطر مدده قالدیغنه
 کوره ۳۲۸ سنه سنده اراضی ایچون بر قانون موقت
 پایلمشدر که : بوالیوم مرعی الاجرادر . بوقانونک بشنجی
 ماده سنده مبانی ، اشجار مغروسه وسائر اراضی به تابع
 طوتیلمشدی . حالبوکه اوقانوندن اولکی قانونده اراضی
 مبانی به تابع طوتیلور . بو مجله احکامی ایله بر میانیت
 تشکیل ایدیور . بوندن دولایی او بشنجی ماده بر چوقه
 مسائل مهمه احداث ایتدی و اومسائلک ایچندن چیقلماز
 اولدی . بناء علیه طاپو اساسدر . بونک ایچونده
 متخصص مأمور لازمدر . یعنی هر مال مأموری
 اویله طاپو ایشلری یاپه ماز . هریر ایچون متخصص
 بولنمی ده قابل دکلدر . بو ایش هر ناحیه ایچون
 فوق العاده تذبذبی موجب اولور . بو ماده قانونیه
 پایلمسه بیله معطل قالیر . بونک ایچون دفتر خاقانی مدیرینی
 چاغیرمق و اونکله اوزون اوزادی به مطالعاده بولنق لازم
 کایر . بنده کز بونی سوبله مک ایستورم .

تحسین بک (دوامله) — بو قانون چیقدیغی کون
 در حال درت یوز ناحیه تشکیل ایدلمش بولنه جق . اکر بز
 بوقانونی اوچ سنه ده ، بش سنه ده طاپوسیله ، نفوسیله برابر
 هر طرفه تطبیق ایده بیلیرسه ک بختیارز . بونک تطبیق بلکه
 بش سنه ، اون سنه بیلمیورم ، زمان ایله اوله جقدر . دفتر
 خاقانی ، طاپو مأمورلری ایچون مکتبده آچیله بیلور ،
 دواژه ملازم صفتیه دعوت ایتدیریلرک بونلر وظیفه به
 آشدیریلهرق ، تعلیم ایتدیریله بیلور . بناء علیه ؛ بنده کز
 شکل اعتباریه خلقت مهم اولان بو احتیاجنی دفع ایدلم
 دیه تنی ده بولندم . چونکه بوکون قراده جریان ایدن
 معاملات تمامیه سنه ات عادیه ایله ، سوزله دوام ایدیور .
 بونلر محکمه به دوشدیکی زمان احتیاجه صالح اوراق

دفتری آچه جق ، فلان عسکرمی ، دکلی ؟ دییه معامله
 پایله جق بو معامله یی بو ماده به قویمق ده هیچ بر محذور
 یوقدر . بو معامله معاينه ابتدایه ایچون اولی بالطریق
 قولایدز . بو خصوصه نه قدر مشکلات چکلدیکی ده
 معلوم عالیکزدر . معاينه ابتدایه اوله جق دییه کویلو ،
 چقتندن ، چوغندن جدا قالیور . معاينه نك نتیجه سی ده
 یابر قاف و یا خود بر کافدر . یعنی بویوک بر ایش دکلدر
 و نتیجه قانونک تعیین ایتدیکی شکلدن عبارتدر . قانونک
 تعریف ایتدیکی کبی بو معامله نك ؛ قضاده هیئت اداره ده
 حاکمک و یا خود قائم مقامک حضورنده اولسینه ناحیه ده
 هیئت اختیاریه نك حضورنده اولسی آره سنده برفرق کورمیورم .
 شمعی اصل مهم مسئله شوکه بزبونی واردات عمومیه دن
 ویرلسون دیدک ، وحتی بر فقرده قونولمش ایکن طی
 ایتدک . فقط بوکون ناحیه نك واردات قسمی تدقیق
 ایدرکن و ناحیه به واردات بولمق مسئله سی مذاکره ایدرکن
 نفوس خرچلرینکده واردات اصلیه دن اولسنی قبول
 ایتدک . ناحیه لرده واردات مسئله سی چوق مهمدر .
 اونک ایچون ناحیه نك واردات فصلنی بزوزون اوزادی به
 کونلرجه ، بلکه هفته لرحه موازنه مالیه انجمنیه برابر
 تدقیقه مجبورز . کرک هیئت علیه کزدن و کرک طیشاریدن
 بر چوق ذواتک مطالعه لرینی آغه محتاجز . بو واردات
 مسئله سی مقصدی تأمین ایتمزسه بوقانون معاسزلقدن
 بشقه برشی افاده ایتمز . اونک ایچون اوزواتک بویوزدیغی
 کبی یاپه جقسق ، اوبشقه لاقیردی . فقط ناحیه وارداتنه
 بونی تعلیق ایتملم . بومسئله ، نفوس کاغدی ویرمک وایکی
 قرداش آراسنده برتارلا مسئله سی حل ایتمکدر . وخلقک
 ایستدیکی شیرده بودر . بو اساسی شکه وداع ایتملم .
 واردات مسئله سی کلدیکی زمان اونی ده مذاکره ایدرز .
 دو قنور مظهر بک (ایدین) — مساعده بویوزیلورمی
 اقدم ؟ حال حاضر تشکیلاتندن باشقه میدر ؟ بودجینی
 قبارتمازی ؟

تحسین بک (دوامله) — اقدم بوراده کوستردک .
 مثلاً ۲-۳-۴ ناحیه یی توحید ایده رک سیار بر ویا ایکی
 مأمور تعیینی ایله بوایشک عهده سندن کلیرز . معامله سی

چيقاره مدقلمدن دعوالريني غائب ايديورلر . كويلرده جريان ايدن وقايع تدقيق ايديليسره اكرثيا بو طابو معاملاتك مشوشيتدن جاياتلر ، جرملر ميدانه كلور . حكومت ومحلي اداره لري مأمور لري بوايشه قاريشه رق محلده حل ايدم ميورلر . بناء عليه ؛ بو يورديفكز كي شايد بويله بر مسئله چيقارسه نه اوله حق ؟ . بويله بر مسئله بلهكه يوزده بش چيقار ، كويلرده جريان ايدن ايشلر ميراث وسايره تعلق ايدن شيلدر .

نصرت افندي (اضروم) — فرائض شرعيه وقانونيه بي بيلمك لازمدر .
رفيق شوكت بك (صاروخان) — او زمان مفتحيه كيديلير .

تحسين بك (ازمير) — او وقت اربابنه كيدرلر ، مراجعت ايدرلر . ظن ايدر ميسكز كه شمديكي تكميل طابو مأمور لري بونلره واقفدر ؟
اسماعيل شكري افندي (قره حصار صاحب) — اداره خصوصنده شمدي به قدر متعامل بر اساسي دكيشديرمك ايچون درين دوشونمك ايچاب ايتديكي ظن ايديورم . شمدي به قدر تجدد ناميله بايبلان شيلرك يوزده سكساني ، طقساني ملق اضرار ايتشدر . قورقارم كه بونكه اهالي به بر تسهيلات ياهلم ديركن اموريني بوتون ، بوتون تشويش ايتش اوليهلم . چونكه آرقداشلر ! اك مهم اموري ناحيه به ويريورز . بر كره محكمه لرده كي محاكمه لر ، اراضي خصوصنده جريان ايدن محاكمه لر كوزاوكنه كيريلورسه بونده بويوك محذورلر اولديني كوريلير . شوراده آقرده زيدك ميراني يعني متروكي ، اموال متروكسي اوچ اولادينه انتقال ايتمك لازم كليركن بريسي نسياً منسياً نظراً اعتباره آلميه رق ايكي سنه ويا ايكي سني نظراً اعتباره آلميه رق يالكز بريسنه دوغريدن دوغري به ويرمك ؛ آراده انتقال يوق ، فراغ يوق ؛ بونصل اولور ؟ . بويله معامله لر ، بك چوق حقسنزقلر كوريورز . واقعا شمدي طابو معاملاتق بك چوق فضله مزعج تقيداته تابع طوتولمش . بر باقيشده اهالي بي بهوده يورويور كي كوزو كيور . ايدجه تدقيق اولورسه اوقيدات انسانلرك

يكديكريتنك حقوقه ال اوزاتمق ايچون يابه كلديكي دستيسه . لره قارشي اتخاذا اولمشدر . انجمن نامنه سوز سويلين تحسین بك افندي آرقداشمز « كويلونك معامله سني تسهيل نقطه سندن بزوني دوشونلك ديديلر . اك چوق دوشونلك ظن ايدر ، جريان ايدن معامله نك سلامتق نقطه نظرندن اولملي . كويلرده اويله آدملر وار كه احقاق حق نقطه نظرندن دوشونملي ، بر ملك اون بش سنه اول ، مورشدن كنديسنه ارنأ انتقال ايتش ، كنديسنك اوكا وارث اولديغني بيلمه مش ، مرور زمانه اوغرامش ، خلقك شهرلره علاقه لري واركن ، بو معاملاتق كورمك ايچون شهره كلديكي وقت عقلي ايرن بر آدمه صورار ، اوندن آله جنبي معلوماته تنور ايديوردی . بزبوكون جهالت ايچنده پويان اولان ايكي كويه بر ناحيه ديدك . اورايه تك باشنه بر طابو مأموري ويردك . او طابو مأموري طبيعي هر يرده تماميله مستقل بولنه ماز . قانديريلير ، اغفال ايديلير . هر هانكي بزويدك حق عمر وه ، عمر وه اك حق زيده كچمكلك كي غايت فنا ، ايچندن چيقلماز بر نيجه توليد ايدر . هله مناسكات مسئله لري ! دوغريدن دوغري به بزوني ناحيه مركزنده يايقم بك بويوك محذور شرعي بي توليد ايدر . كويلوي قضا مركزلرينه سوق ايتيم لم ديركن بوتون بوتون معاملاتق افساد ايتيم لم . تسهيلات طرفدارم كر چه . فقط نواحي طابو مأمورلرينك معاملاتق قونترول ايتديرمك ايچون باشلرنده بر قونترولجي بو قدر . نواحي طابو مأمورلرينك معاملاتق قونترول ايدجك هيئتلر كيملدر ؟ قضالرك وظائفق تعيين ايدلمكجه بوناقدصر . . بوندن انجمنك قصد ايتش اولديغني ، استهداف ايتش اولديغني غايه هم حاصل اوليه جقدر ؛ هم تشويشات حاصل اوله جقدر . بو غايت ايني دوشونولميدر . بزده تجدد ، ديه اورته به آتديغمز شيلرك يوزده طقساني تشويشي انتاج ايتمشدر . بونك ايچون كرك طابو و كرك مناسكات مسئله لري ، قضا مركزلرنده اوليه جقد نه ناحيه لر و يريله جك ايسه ، بو خصوصده ناحيه لرك اموريني قونترول ايدجك هيئتلري اولادوشونملي و آنجق معاملاتك صورت سالمده جرياني تحت تأمينه آلاقدن صكره بوماده شايد قبول اوله بيلير . عكسي حلاله سلمه السلام بويله بر ماده قبول ايدلمز .

اون سنه د نبری و حالا بو کونکی کونه قدر، حالا او قیودات تصحیح ایدیلوب بیتمه مشدر افندیلر ! اوراده بولنان ناحیه طاپو مأموری نه قید اساسی به باقش ، نه ارثه باقش ، نه انتقاله باقش ونه قیود تصرفیئی تدقیق ایتش ! کیم مراجعت ایتش ایسه کیفی برسندویرمش . هر کسک النده بر طاپوسندی ، بر طاپو علم و خبری وار ، طاپو مأمورینک امضاسنی حاویدر . نه نظارتدن بو دفترک اصل و اساسی تصدیق ایدلمش ، نه لوادن تصدیق ایدلمش ، نه ده دفتر اساسیده قیدی وار ! هر کمن طاپو دائره سنه واریر . نیم طاپو سندم وار . بونی بکا و یرک دیر ، دیکرینک الندهده بویله بر سند وار . خلاصه اون سنه دن بری بوزمانه کلنجه به قدر حالا او ناحیه نك صاعلام بر طاپوسندی بو قدر . بو نه ایچون ؟ .. صرف اون سنه اولکی طاپو مأمورینک خطالی معامله سندن دولا ییدر . آندن دولایي بنده کز دیرم که طاپو معاملاتنک دولتجه سند خاقانی حائر اولان ، محکمه لرحه بلا یینه مضمونینه عمل جاری اولان بر قیود مشتمله یی جامع بولنان طاپو معاملاتتی بویله محمی مأمور لرحه تودیع ایتکی موافق کورم . بر کره بو طاپو مأمور لرینک انتقالدن خبری بو قدر . اراضی نه صورتله ، املاک ، نه صورتله اوقاف نه صورتله انتقال ایدر ؟ بونلره قطعاً و قوفی اولیان و هیچ بر قید اساسی موجود بولنیا و بر کونا سند خاقانی به استناد ایتمین بر معامله یا بیلیرسه بالطبع اوکا کیمسه اعتماد ایتمز ، و اونک دوغری بلغه کیمسه قانع اوله ماز اقدم . بو کیلر خلقی یکدیگرینه دوشوریر ، محکمه لرحه مراجعت ایدرلر . محکمه لر ایشی دها زیاده تمکثیر ایدر . بناء علیه بنده کز بو شکلده بر طاپو مأمورینک ناحیه به ویرلمسنی دوغری کورم . بو ماده نك ، بو قانوندن طینی رجایدر و تکلیف ایلرم .

بصری بک (قره سی) — اقدم ! قره نك دفتر خاقانی انجمنه کیتمسو حقیقه بر تقریر واردر .
رئیس — اقدم ! مسئله مستأخره شکنده بر تقریر وار . رأی عالی کزه وضع ایده جکم . قبول ایدیلیرسه مسئله بتر . قبول ایدلمزسه مذاکره دوام ایدر .

تحسین بک آرقداشمزده دیورکه : بونی همان بردن بره تطبیق ایتیه جکز . کیمی یرده بش سنه صکره ، کیمی یرده اون سنه صکره تطبیق ایده جکز . رجایدرم ، سرسری قانونی کبی سنه لرحه گوشه نسیانده قاله جق بر قانونی بووک ملت مجلسی چیقار ماسون . چیقاردینی زمانده هر یرده سرعتله و سهولتله قابل تطبیق اوله جق قانون چیقار مالیدر . رفیق شوکت بک (صاروخان) — بو ضرورتدر .
خواجه افندی .

اسماعیل شکری افندی (دوامله) — انشالله ضرورت یاقینده مندفع اولور . یعنی بو عذر تشکیل ایتمه ملی . قانون اساسی چیقمالی . قانونی قابلیت تطبیقه و معامله نك سلامت جریانی نقطه نظرندن تدقیق ایتلی . انجمن دیورکه ؟ معامله نك جریانی استقامت نقطه نظرندن دکل ، صرف تسهیلات نقطه نظرنددر . بز بیلور زکه بر طاقم قیودات قییدیه انسانلرک دسیسه لری منع ایچون یا بیلمشدر . بونک ایچون بو خصوص جالب نظر دقدر .

مصطفی حلمی افندی (نیکده) — اقدم ! جمله کزک معلومی اولدینی اوزره اوچ بوز اون سکر سنه سنده مابین سندیله آلم ، صایم معاملاتتی منع ایدلشددر . محکمه لرحه وقوع بولان محاکمه لهنده و یا علمینده و یا خود شخصلرک یکدیگری علمینده دعوا اقامه ایتسی و بو صورتله بر چوغنک زیور بر اولسی دولای بیسیله نهایت حکومت بونی منع ایتشددر . یعنی مابین سندیله آلم ، صایم معاملاتتی منع ایتشددر . بنده کز ظن ایدیورم که ، مابین آلم ، صایم معاملاتتیه بو طاپو معاملاتنک نواحیه به ویرلمسنی ده عین مسئله ظن ایدیورم . بونی بر شیه عرض ایتک ایستورم . دائره انتخابیه مده یحیالی ناحیه سی نامیلر ناحیه واردر . بوندن اون سنه اوله کلنجه به قدر اوراده بر ناحیه طاپو مأموری واردر . بویحیالی ناحیه سنده بولنان طاپو مأمورینی هاشم بکده بیلیرلر . کندیلری ده اوراده طاپو مأمورلنی ایتلشددر . معاملاتده واقفدرلر . بیلیرلر . بنده کز که او دائرهده بر آرز ملازمتم وار . اوتوز قرق سنه قدر مأموریتی دوام ایدن یحیالی ناحیه سی طاپو مأمورینی طاپو دائره سی معاملاتتی تلویث ایتدی کز دیه عزل ایتدیلر .

ریاست جلیله

برنجی فقره نك - سرعته انتاج ایدلك شرطیه -
بر کرده دفتر خاقانی انجمنه تودیعنی تکلیف ایدرم .

قره سی

ح. بصری

عبدالقادر کالی بك (قسطنونی) - مساعده
بویوریکز . مسئله یالکز دفتر خاقانی مسئله سی دکدر .
اخذ عسکر مسئله سیدر ، ویرکو مسئله سیدر . سرعته
چیقیمی آرزو ایدیلن بوقانونک بر دفعه ده دفتر خاقانی
انجمندن صکره ویرکو ایچون مالیه ، اخذ عسکرا ایچون
مدافعه ملیه انجمنه کیتیمی اقتضا ایده جکدر . مادامکه
بوقانون خلق طرفندن بکله نیور دیوروز . اوپله ایسه
بر آن اول چیقما لیدر .

رئیس - بوعومی برقریر دکدر . برنجی فقره یه
عانددر . و دفتر خاقانی به تعلق ایدن برقره در . افندم !
برنجی فقره نك دفتر خاقانی انجمنده مسته جلا تدیقنی
قبول ایدنلر لطفاً اللرینی قالدیرسون ! اکثریتله قبول
ایدلشددر . بش دقیقه تنفس ایدلك اوزره جلسه نی تعطیل
ایدیورم .

ختم جلسه

دقیقه ساعت

۳ ۰۶

ایکینجی جلسه

بر مذاکرات

دقیقه ساعت

۴ ۰۵

[رئیس - ایکینجی رئیس و کیلی موسی کاظم افندی حضر تلری]

کاتب : حق بك (وان)

رئیس ثانی انتخابی :

رئیس - افندم ! جلسه نی کشاد ایدیورم . سیواس
مبعوثی حسین رؤف بك افندینک ریاست ثانی دن استعفا
نامه لری وار . اوقونه جقدر .

تورکیا بویوک ملت مجلسی ریاست جلیله سنه

هیئت جلیله جه انتخاب بویورولدیغ هیئت وکیله ریاستی

وظیفه سنه دوام ایتک اوزره مجلس رئیس نایدلکندن
استعفا ایلورم . مجلس عالیجه و قوعبولان انتخاب نتیجه سنده
درت بحق آی قدر برمدت طرفنده ریاست ثانیه وظیفه .
سنی ایفالتدیکم ائنده کرک طرف جلیل ریاستینا هیلرندن
و کرکسه مجلس عالی هیئت عمومی محترمه سندن کوردیکم
توجه و مظاهر تله ناچیزانه عرض شکران ایلیرک معروض
استعقامک قبولنه دلالت سامیه لرینی استرحام ایلرم افندم .
سیواس مبعوثی

حسین رؤف

رئیس - افندم ! ریاست ثانیه انتخابنه باشلا یوروز .
محمدشکری بك (قره حصار صاحب) - نواحی
قانوننک اگالی لازمدر .

حسین عونى بك (ارضروم) - بنده کز انتخابک
جمه ایرتسی کوننه بر اقلمسنی و بوکون نواحی قانوننک
مذاکره سنه دوام اولمسنی تکلیف ایدیورم .

رئیس - افندم ! ریاست ثانیه انتخابنه باشلا یوروز .
رایلریکزی احضار بویوریکز !

حق حامی بك (سینوب) - افندم ! مجلس عالی
روزنامه ایله حرکت ایدر و ایتمشدر . بالطبع بوندن
صکره ده اوپله حرکت ایده جکدر . مجلس عالی نین ریاست
ثانیه سنده بولنان ذاتک دون اجرا و کیلیری هیئت ریاسته
انتخاب ایدلک لرینی هممز بیلوروز . فقط ریاست ثانیه دن
چکدک لرینی آنجق شمدی مجلس عالی به بیلدیر یورولر .
بناء علیه استعفا کیفیت شمدی هیئت جلیله کزه عرض
ایدلش اولق اعتباریله انتخاب مسئله سی روزنامه یه داخل
دکدر . روزنامه یه داخل اولیان بر انتخابی یا یق اصوله
منافیدر . بناء علیه هیئت جلیله کز اول امرده بونی
روزنامه یه آلیر ، بعده هانسی کون مذاکره ایدیله جکنی
قرار لاشدیرر . اکر بوکون مذاکره سنی قبول ایدرسه
بوکون اجرا ایدر . عکسی تقدیرده اولچه مذاکره سنه
باشلامش اولان نواحی قانوننک مذاکره سنه دوام ایدیایر .
اصول و شمدی به قدر جریان ایدن معامله و نظامنامه
بونی آمردر . شه سز نظامنامه یه ، اصوله رعایت هیئت
جلیله نك پرنسیدر . پرنسپ خارچنده هیئت جلیله نك

حرکت ایدم جگنی ظن ایتم .

یونس نادى بك (از میر) — افندم! بونده مذاکره اولنه جق برشی یوقدر . رئیس تانیزی دون هیئت وکیله ریاستنه انتخاب ایتدک . کنیدیسی بوراده سزه تشکر و هیئت وکیله ریاستی فعلاً قبول ایتمکله مجلس عالی ریاست تانیسی انحلال ایتمشدر . و ریاست تانیه انتخابنک بوکون اجرا ایدیه جکی ده مقام ریاستدن هیئت جلیله کزده دون تبلیغ ایدلمشدر .

محمدشکری بك (قره حصار صاحب) — اولاروز نامه یه آلق لازمدر .

رئیس — انتخابک اجراسنی رأی عالیکزه عرض ایدیورم . ریاست تانیه انتخابنک شمدی اجراسنی قبول ایدنلر لطفاً ال قالدیرسون ! اکثریت عظیمه ایله قبول ایدلمشدر .

[آرا طوپلاندى و مصطفی خلوصی افندی (قره حصار صاحب) ، علی سروری افندی (قره حصار صاحب) ، امیر پاشا (سیواس) تصنیف آرایه مأمور ایدیلر .]

نوامی قانوننک مذاکره سی :

رئیس — افندم ! آرا تصنیف اولنجه به قدر نوامی قانونی مذاکره ایدلم :

اللی اوچنجی ماده نك ایکنجی فقره سی : ناحیه حدودی داخندنه کی املاک و اراضینک بیع و شرا ، فراغ وانتقال ، تقسیم و افزاینه عائد تقرر لر ناحیه هیئت اداره سنجه استماع اولندقدن صکره سندات رسمیه سی طاپو مأمورنری طرفندن اعطا قیلنور .

بصری بك (قره سی) — افندم ! بو فقره برنجی فقره ایله علاقه داردر . برنجی فقره دفتر خاقانی انجمنه کیتمشدر . بناء علیه ، بونک ده او انجمنه کیتمی لازمدر .

هاشم بك (چوروم) — افندم ! اراضی قانوننده طاپو مأمورینک حضوری شرط اوله رق کوسترلمش ایکن بوراده او قانونک خلافنده هیئت اختیاریه ویا ناحیه هیئت اداره سنه بر صلاحیت ویرلمشدر . شو حالده ایکی قانون آراسنده بر تعارض حاصل اولیور . بناء علیه ؛

بو قانونه معارض اولان او قانونی اصلاح ایتمک لازم کلیر . بر کره هیئت اداره ناصل صلاحیتدار اوله بیلیر ؟ هر حالده طاپو مأموری مواجهه سیله اجراسنی شرط اوله رق کوسترلسه ده اصابت ایدلمش اولور . بناء علیه ؛ مادام که اولجه هیچ ایجاب ایتمز ایکن برنجی فقره دفتر خاقانی انجمنه حواله ایدلمشدر ؛ بو فقره نك ده اورایه حواله سی لازمدر .

مضبطه محرری احمد حلمی بك (قیصری) — هر حالده بریا کلشلق اولدی . بردفنه بز بو قانونی مذاکره ایدرکن دفتر خاقانی مدیرنی چاغیردق . اونک نقطه نظرینی آلدق . حتی حکومتکده نقطه نظری بوشکلده در . مأمور بولنه جق ، بولونیه جق مسئله سنه کانیجه ، بردفنه بن ظن ایتمیورم که بو نقطه نظر موافق اولسون . ناصلدکه قضالرده وقتیلله هر هانکی بر دفتر خاقانی مأموری ، طاپو مأموری بو وظیفه یی ایفا ایلوردی . ینه او یله اوله جق و نظامات مرعیه دائره سنده ناحیه یه سهولت بخش اوله جقدر . نقطه نظریمن شودر که شمدی به قدر ناحیه خلقی اوافق بر مسئله ایچون قضا مرکزینه . قدر کیدیور ، کونلرجه ایشنی تعقیب ایدیور . بر چوق مشکلاته معروض قالیوردی . ایشته بونی ازاله ایچون بوشکللی دوشوندک وبویله قبول ایدلم دیدک . صکره بویوردیلر که تقرر آلق ایچون بر قومیسین واردی . فقط صوک زمانلرده اون ده قالدیرمشلر ، دوغریدن دوغری به طاپو مأمورینه ویرمشلر . طاپو مأموری سندلرینی ویریور . شمدی بزم قبول ایتدیکنمز شکل ده آشاغی ، یوقاری بوشکلدر . ناحیه هیئت اداره سنک مواجهه سنده تقررک آلمسی صورتیله فقره تصحیح ایدلمشدر . مع مافیله اسکی اصول ایله بیکی اصول آراسنده فرق یوق . صکره مادام که برنجی جلسه هیئت جلیله برنجی فقره نك دفتر خاقانی انجمنه حواله سنی قبول ایتدی . آشاغی ، یوقاری بو فقره ده اونکله علاقه داردر . بونک ده انجمنه کیتمه سنده بر خذور یوقدر . انجمنه کیدر . انجمن بونی یکنیدن تدقیق ایدر .

عبدالقادر کلی بك (قسطنونی) — بو قانونک قبولیله ، مملکتده یکیدن بیکلرجه انسانک مأمور اوله رق استخدای نتیجه سی حاصل اولیور . موازنه مالیه

انجمنی بو قانونه علاقه دار اولدیمی ؟ سؤالنه جواب وریکنز .

مضبطه محرری احمد حلمی بك (قیصری) —
بیكارجه مأموری دوشونیورسكزده میلیونلرجه خلقك ایشنی دوشونیورمیسكز ؟ بو قدر خلقك ایشی نه اوله جقدر ؟

عبدالقادر کالی بك (قسطمونی) — سؤالنه جواب بودكلدر . بن دییورم که بو قانونك قبوله یکیدن بیكارجه مأمور استخداچی لازم کلیور و بونلره پاره وریله جك . بو وریله جك پاره خصوصاتنده موازنه مالیه انجمنتك رأی آلتدیمی ؟ دییه صوریورم . موازنه انجمنتك رأی آلتیق لازمدر . بونی صوریورم .

مضبطه محرری احمد حلمی بك (قیصری) —
بوندن اول تحسین بكده صور دیلر ، عرض ایتم . وارداته و مصرفه تعلق ایدن فصل موازنه مالیه انجمنته کیده جکدر . و اوراده تصدیق ایدیله جکدر .

عبدالقادر کالی بك (قسطمونی) — ده اکیده جکمی افندم ؟

احمد حلمی بك (قیصری) — کیده جك افندم .
عبدالقادر کالی بك (قسطمونی) — او حالده کیتسین ، کلسین . بو مهم بر مسئله در .

مضبطه محرری احمد حلمی بك (قیصری) — خلقه سهولت کوسترمک ایچون بو قدر مصرفلراختیار ایدیوروز . صرف خلقك منافی ایچون ...

عبدالقادر کالی بك (قسطمونی) — افندم ! احمد حلمی بك افندیك سؤالنه وریدیکی جواب نتیجه سننده بئم خلقه سهولت بخش اوله جق بر قانونك علیهنده اولدیغ ظنی وریدی . حالبوکه خلقه سهولت بخش اوله جق قانونلرك خلقك دیلیله و سرعتله چیقماسنه طرفدار اولانلرك بری ده بئم . بن دییورم که شو قانونه مملکتده اون بیک دانه ناحیه تشکل ایده جك ، اوتوز بیک مأمور لازم اوله جق . برر لیرا معاش ویرلسه ماهیه اوتوز بیک ، اون لیرا ویرلسه اوچ یوز بیک لیرا ایدر . بن بونك ۳ میلیون لیرا اوله رق ویرلسنده طرفدارم .

فقط دولتک تشکیلات عمومیه سیله مقایسه ایدیله رك موازنه مالیه انجمنته تئیت ایدمکسزین مجلس بونی قانون شکلنده ناصل چیقارار ؟ بونی آ کلامیورم . و بن کندیلرندن بونی صوریورم . یوقسه بیانام هیچ بر وقت خلقه تسهیلات ارائه ایدمه سون معناسنی تضمن ایتمز . بدکه اوتوز بیک ، اللی بیک ، آلتمش بیک مأمور استخدام ایدیله جك . مجلسك موازنه مالیه انجمنی دولتک دیگر تشکیلاتیله بونی حساب ایلمکجه بویله بر قانون چیقارمق منطقله قابل تألیف اولورمی ؟ بو کاجواب ویرسونلر .

راغب بك (کوتاهیه) — افندم ؟ عبدالقادر کالی بك آرقداشمز ؛ ایسترله ده اولسون ، ایسترعلیم ده اولسون ؛ مسئله اوراده دکلددر . مصلحتی کوزمنك اوکنه آله لم .

او قدر اعظام بو یوریورلر که اون بیک ناحیه اوتوز بیک مأمور یوقدر . حقیقه بزده نه اون بیک ناحیه یی ونه ده اوتوز بیک مأموری ذهنمه صیغدیره مایز .

عبدالقادر کالی بك (قسطمونی) — قانونده اویله دکلددر .

راغب بك (کوتاهیه دوامله) — فقط دقت بو یوریکز که افندم کلخانه خط هایبونی او قوندقدن صکره هر کون تکمل ایتمکده اولان دولتک تشکیلاتی حاله تکمل ایده مه مشدر . بو قانون چیقار چیقماز ، مملکتک هر طرفنده در حال وعین صورته تطبیق ایلمیه جکدر .

و بو قانونك تطبیقنه باشلانیدینی کون همان بو مأمورلر کمالا کوندرلمیه جکدر . بو قانون چیققدن صکره ، مملکتلرك احتیاجلری تحقق ایتمکجه ، بو مأموریتلر تشکیل و بو مأمورلر پی در پی تعیین اولنه جقدر . یوقسه دفعه دکلددر .

عبدالقادر کالی بك (قسطمونی) — بو اویله ایسه خلقی آداتمقدر .

راغب بك (دوامله) — هیچده آداتمق دکلددر . اداره جدیدی اعلان ایدن خط هایبونددر . آداتمق دکلددر . هیچ بر دولت یوقدر که تشکیلاتی بردن بره میدانه کتیرسون . مقصد شکل حکومتی تئیت و تمینندر .

اوشکل تعیین و تئیت ایلدلکدن صکره زمان ، زمان مملکتک

احتیاجاتی تحقق آید که او شکل ده تکمیل ایدر .
 طونه لی حلی بیك (بولی) — زوالی راغب بك
 اون بیك ناحیه بی جوق کوردی . حالبوکه آرقداشلا
 دائرة انتخابیه بیك بختیاردر ۲۰ - ۳ کوی دکل کویلو
 غایت صیق اولدیغندن ۸ - ۱۰ کوی برلشهرک بر ناحیه تشکیل
 ایده جکدر . فقط قونیه اووارینه دوغری ایلرولیه جک
 اوورسه کزه ، ولایات شرقیه به دوغری شوبله برقاد آجوب
 اوچدیغکزه زمان ، کوره جکسکزه بکرمی درت ساعتده
 آنجق بر کویه تصادف ایدیلور . بناء علیه ؛ او کوی
 آنجق بر ناحیه اوله جقدر . و بو ملکته آنجق و آنجق
 اصغری اوله رق بکرمی بیك ناحیه بولله جقدر . (بر اوو
 صدالری) صکره اقدم مقصد بر دولتک شکافی تثیت
 ایتدکن صکره اونی تکامله دوغری تدریجاً ایلرولمکدر
 بو یوردیلر . فقط ایلك دفعه ده مضبطه محرری بیك بو یور
 مشدی که : الك مکمل بر لایحه قانونیه بی ، ناحیه قانونی
 بر نمودج اوله رق کوزمزلک اوکنه کتیردک ولایحه مزیه ده
 اوکا کوره میدانه کتیردک دیدی . حالبوکه اقدیلر !
 بو لایحه مر بکن بسیطه دوغری کیتیکدر . حالبوکه
 قانون طبیعی ایسه بسیطدن مر که دوغری کیتیکدر .
 انجمن و حکومت هر کیم اولورسه اولسون بسیطدن
 مر که دوغری کتیردک بر لایحه قانونیه بر ناحیه قانونی
 لایحه بی وجوده کتیره جک و اونی میدانه کتیردکن
 صکره یاواش ، یاواش تکامل ایتدیرمزلک اون بناء بکرمی
 نینه صکره بو الك مکمل قانونه ملکیتی اداره مالیه جکدر
 بو مکمل بر قانون اولقله برابر بو سفته ملکته اولوق
 ایدله مه عک اعتباریه مضر در ، مضر در ، مضر در
 رئیس — اقدم ! بصری بکک بر تکلیفی اولد بر نجی
 فقره نک تعلق حسنیله دفتر خاقانی انجمنه کوندرلر
 تکلیف ایدیورلر . بناء علیه ؛ تصحیح ایدرلشبه کون
 دفتر خاقانی انجمنه کوندرلم . (موافق حسنیله)
 بو فقره نک دفتر خاقانی انجمنه کوندرلر قبول ایدیلر
 لطفاً ال فالدرسون ؛ ایکنجی فقره ده دفتر خاقانی
 انجمنه کوندرلشدر .

و نقل مکان و نفوسه طاند سائر معاملات ناحیه نفوس
 مأموری طرفندن اجرا اولتور . (موازنه مالیه انجمنه
 صدالری)
 راغب بيك کوتاهیه — اقدم ؛ ایکنده بر ماده لرك
 مصر فی اعتباریه موازنه مالیه انجمنه حواله بی موضوع بحث
 اولور . جوق رجا ایدرم ، بوقانونک موازنه مالیه انجمنه
 ذره قدر علاقه سی یوقدر . آنجق قانون اولوق اعتباریه
 قوانین مالیه انجمنه کیده بیلر . فقط ؛ موازنه مالیه
 انجمنه علاقه سی یوقدر . موازنه مالیه انجمنی بودجه
 انجمنیدر . اقدیلر ! موازنه مالیه انجمنی دولتک تکالیفندن
 بر قسمی بر طرفه ؛ دیگر بر قسمی دیگر طرفه آله رق
 قانونلری تاویل صلاحیتی حاز دکدر . بولایحه کیتسه ،
 کیتسه آنجق قوانین مالیه انجمنه کیدر . تعلق آنجق اوراسیدر .
 موازنه مالیه انجمنی بالکزه بوسنه نک بودجه سیله علاقه
 دارد . (دوغری صدالری)
 رئیس — اقدم ؛ اوچنجی فقره حقنده باشقه سوز
 ایستین یوق .
 طونه لی حلی بیك (بولی) — رئیس اقدی حضر
 تلی بنده کز ایستورم .
 رئیس — بو یورک اقدم !
 حلی بیك (بولی) — آرقداشلا ؛ نه یا یام ؛ قانونک
 روحه طرفدارم . روحم اوندن آریلور . فقط ؛ لایحه نک
 دکل ، بر قاچ کره فریاد ایتدم ، انشالله بودفه فریادلم
 و حدانلریکزه ، قولقلریکزه ایشه جکدر . اقدیلر !
 مناکات و سائر قطعاً محاناً اولمیدر . حالبوکه آرقداشلا ؛
 بر قید بوراده یوقدر . خلقجیلنگ بر رهبری ، ایلك آدمی
 اولوق اوزره وجوده کتیریلن بولایحه قانونیه ده خلقجیلنگ
 الفضیلتکارخی اولان بومعامله ده خلقندن پاره ایستمک . قطعاً
 یا قشمازه تور کیتبعه سندتم دیدنیم بومعلم دنیا به صدی . و یا خود
 قیزم دنیا به کلر کلز نفوس مأموری قارشوسنه چیقوبده یوز
 پاره ویره جکسک دیرسه دیمک که — بو تور کیتبعه لفی
 یوز پاره به صاتون آلمش اوله جق ، بوقطعیاً ذلدر . (بر اوو
 صدالری) نیم قیزم اولنه جک ، نیم او علم اولنه جک دیسه
 مختارک قارشوسنه ، نفوس مأمورینک قارشوسنه قالقوب
 کیتدیکی وقت کندیسندن ، اوندن پاره ایستنه جک ، بوسورنه

نوامی قانونك مذاکره سی

دردنچی فقره نك مذاکره سنه باشلا بورز .

احمد حلی بك (قصری) — رئیس بك ! اوماده

قبول اولدی بی ؟

رئیس — اقدم، او چنجی فقره بی عیناً رأی عالیگزه

عرض ایدیورم، تعدیلات یوقسر . قبول ایدنلر لطفاً

ال قالدیرسون ! (عیناً قبول ایلدیلر)

۴ — اخذ عسکره طبد معاینه ابتدایه، عسکری

ونفوس مأمورلری حضور یله ناحیه هیئت اداره سننده

جزیان ایدر .

رفت بك (توقاد) — اقدم ! شو ۳۰ نجی ماده

ایله ناحیه لره تحمیل ایدنلر وظائف، یدنجی فقره ایله

تثبیت ایلدیلر . صکره بونلر تکرار علاوه ایلدیلر ناحیه لره

وظائف، رسومات، ایبو معاملات، اخذ عسکر معاملات

بلدییه وظائف کی بر میلیون وظیفه دن عبارت اولور .

بونی ناحیه ده ایفا ایده جك کیسه یوق . صکره صلاحیت

قضاییه وار . بونلری تعیین ایتمك لازمدر . کونده هر کس

دوکه، دوکه بر بری اولدیور . بونلره زاندارمه ایستر .

اون بش بیک، یکر می بیک ناحیه یه زاندارمه ی زهدن

بولا جقلر ؟ کاتبی زهدن بولا جقلر ؟ اونه کنی زهدن

بولا جقلر، بریکنی زهدن بولا جقلر ؟... اگر بو، تطبیق

اوله جقه؛ مقبول بر حاله کتبولمیدر . کر فارضک وظیفه سی

بو ناحیه لره بولا جقلر . اگر بالکیز سکلار بر قانون

وضع ایتمك لازمه بوکا دها چوق یازلاق، پارلاق شیلر

علاوه ایتمك لازمدر . بنده کنر . بو دردنجی فقره نك

طیبق تکلیف ایدیورم .

راغب بك (کوناهیه) — اقدم ! بوراده اخذ عسکر

معاملاتنک ناحیه ده وظیفه اوله رق ویرلسی ذکر ایدیورور .

فقط اسلماً اخذ عسکر معاملات، کوی هیئت اختیار یه سنك

حضور یله اجرا اولنور . اولجه کوی هیئت اختیار یه سی،

یاخذ عسکر شعبه سی اولان قضا مرکز لر یه جلب

اولنوردی و یاخودهده اخذ عسکر مأموری کیهر، بر

یره او طورور، اطرافه کویولوری طولولار، معامله لازمه سی

ایفا ایدردی . شمعی بوده، مأموری دهر ییدن دوضری یه

بالک نکاحی یکر می درت ساعت صکره یه آمش اوله جقدر که

بودوغری دکادن . حالوکه الله بیم او علمه و یا بجم

قیزمه ۲۴ ساعت اول اولنکی و او کیجه بوملته برودول

باغشلامسی الله یازمشیدر . (القبشدر و خنده لر)

سنه علیه؛ بر تقریر قدیم ایدیورم . بو فقره نك سوکنه

بجاناً قیدی علاوه ایلمیدر .

رئیس — اقدم ! باشقه سوز ایستین یوق . فقره نك

مذاکره سنك کفایتی رأی عالیگزه وضع ایدیورم .

مذاکره بی کافی کوزنلر لطفاً ال قالدیرسون ! مذاکره

کافی کوزولمشدر .

رئیس — اقدم، او چنجی فقره بی تکرار او قویورم .

(تکرار او قوندی)

اقدم ! شمعی طونه لی حلی بک تکلیفی وار که

صوک فقره سنه بجاناً کله سنك علاوه سی ایستور . بنا علیه

تقریری او قویورم .

ریاسته

بو فقره نك سوکنه (بجاناً) کله . نك علاوه سی

تکلیف ایدرم .

بولی

حلی

علی جنائی بك (نازی عینتاب) — اقدم ! بجاناً

اوله جق، اجرتلی اوله جق . بوکی شیلر مساعده

بو یوربرسه کوز واردات قسنده مذاکره اولنسون .

شمیدین فلان و فلان رسمی براقه لمدییه برقرار و برمه مکز

رجا ایدرم . چونکه دوضری اولماز .

رئیس — اقدم ! حلی بک تقریری رأی عالیگزه

وضع ایدیورم . بجاناً کله سنك علاوه سی قبول ایدنلر

لطفاً ال قالدیرسون ! قبول ایلمه مشدر .

ریاست تانیه انتخابنسه کی آرالمک تیرسی :

رئیس — مجلس ریاست تانیه سی ایچون یاییلاق

انتخابه اشترک ایدن اعضاتنک عددی ۱۹۹۹ در (ایشتمیورور

صداری) ریاست تانیه انتخابه اشترک ایدن اعضاتنک عددی

۱۹۹۹ در . رأی ایله عدلتنک بك (استانبول) الحرا

اکثریت ایتمشدر اقدم . (القبشدر)

ایتمشدر . تشکیلات ملیهده یالکز اساسی احتوا
 ایدن برورقه جق کوندرمک صورتیهدره که مملکت مزده
 کویولر سلاح آتیه جلب و دعوت ایدلمشدر .
 کویولرک روحی ، بوکبی سهولته عاشقدر ، تشنه در .
 بناء علیه ؛ بوکبی سهولتر کوسترلکدن صکره ، کویلو
 ذاتاً سوبینه ، سوبینه ، قوشه ، قوشه اجابت ایده جی
 ایچون ، فضله معامله قالمش اوله جقدر و اساساً اخذ
 عسکر معاملاتک مبدای ده کویولدر . بناء علیه ؛ بو
 فقره نك عیناً قبولنی تکلیف ایدیورم .

رفت بک (توقاد) — دوضری ! بک کوزل اما . .
 یاه جق آدم وارمیدر ؟
 رئیس — افندم او قتمز قالمدی . چوقده یورولدی .
 بناء علیه ؛ جمعه ایرتسی کونی اجتماع ایتک اوزره جلسهی
 تعطیل ایدیورم .

ختم مذاکرات
 دقیقه ساعت
 ۳۰ ۵

اجتماع آنی روزنامه سی

- ۱ — ضبط سابقه ضروری
- ۲ — اورا ورارده :

- ۱ — ملاطبه مبعوث فیضی افندی نك هیئت تدقیقه اعضا .
 لغندن استعفا نامه سی
- ۲ — داخلیه انجمنه اعضا انتخابه دئر انجمن ریاست نك
 تقریری .
- ۳ — قارص ژاندارمه قوماندانی حقدنه قره حصار شرق
 مبعوث مصطفی بکک سئواله عدلیه و کالتندن ورود جواب
- ۴ — روسیه به اعزام اولان تدقیقات علیه هیئت مخصوصانه
 دائر موازنه مالیه انجمنی مضبطه سی
 مذاکره ایدله جک مواد
- ۱ — هیئت و کبله نك وظیفه و مسئولیتی حقدنه کی لایحه
 قانونیه

خلقک آیاغنه کوندرمکدر . معامله ده هیچ برتبدل یوقدر .
 بو لایحه ده دولتک بر اخذ عسکر مأموری کویولونک
 آیاغنه کیده جک . . شمعی ایسه دولتک بر مأموری ،
 مرکزده او طور بو یوز بیکرجه کویولونی آیاغنه چاغیریور .
 حالبوکه بو سفر ، بو معامله نی اونلرک آیاقلرنده ، ایفا
 ایده جکدر . او زوالیلرده ، مرکزده کیدوب کلکدن
 و مرکزده کونلرجه بکله مکدن واز کچه جکدر . مأمور
 اولان ذات ، کویولوری مرکزده جلب ایتیه جک ،
 کویولرک آیاغنه کیده جکدر . بو کویولرک آرزو ایتدیکی
 و غایت کوزل برشیدر . ذاتاً بو معاملات ، کیمک حضور یله
 یاییلیدی ؛ ینه اونلرک حضور یله دلکی ؟

حسن بصری بک (قره سی) — افندم ! دمن
 عبدالقادر کمالی بک طرفندن ، اخذ عسکر معاملاتک
 کویولر طرفندن ایفا ایدیلوب ایدیه میه جکی حقدنه ،
 بعض سوزلر سویلندی . راغب بک افندی نك بو یوردقلری
 کبی ؛ نواحی قانونی یا مقصدن مقصد ، کویولوری بوکبی رسمی
 معاملاتده اعظمی سهولته مظهر ایتمکدر . کویولرک چوق
 اوزله دکلری بو سهولتدر ؛ کویولرک هر زمان شکایت
 ایتدکلری شیلردن بری ده ، اخذ عسکر معاملاتیدر .
 کونلرجه بول چیکند کدن صکره ، اخذ عسکر شعبه
 رئیسارندن و یا قلم رئیسارندن و حتی یازیچیلرندن کوردکلری
 اطوار ، مشکلات کویولرمنی جداً اوصاندر مشدر .
 بناء علیه ؛ اخذ عسکر مأمورینی کویولونک آیاغنه
 کوندره جک اولان بو فقره ، حقیقه الکی بی بر فقره دره
 و کویولر ایچون ، اعظمی بر سهولتدر . کویولرک اخذ
 عسکر معاملاتنی یاوب یاه میه جکی مسئله سته کلنجه
 افندیلر ! بزم دائره انتخابیه مزده ، بو خصوصه تجربه لر من
 واردر . خلق ؛ کندی نه عائد اولان وظائف ، کندی نه
 ویرلک شرطیه او وظیفه نی اعظمی موقیتله ایفا



